

**ZAVOD ZDRAVSTVENOG OSIGURANJA  
ZENIČKO-DOBOJSKOG KANTONA**

Broj: 01-100-71-634/22  
Zenica, 08.04.2022. godine

Na osnovu člana 99. i 103. Zakona o zdravstvenom osiguranju FBiH ("Službene novine Federacije BiH", broj: 30/97, 7/02, 70/08, 48/11 i 36/18), člana 60. Statuta Zavoda zdravstvenog osiguranja Zeničko-dobojskog kantona ("Službene novine Zeničko-dobojskog kantona", broj: 11/16 i 9/19), člana 29. stav 1. Zakona o liječenju neplodnosti biomedicinski potpomognutom oplodnjom ("Službene novine Federacije BiH", broj: 59/18), člana 3. Pravilnika o obimu prava na Biomedicinski potpomognutu oplodnju na teret sredstava obaveznog zdravstvenog osiguranja i načinu formiranja cijene pojedinačnih postupaka biomedicinski potpomognute oplodnje ("Službene novine Federacije BiH", br. 50/20 i 21/22) i važećih Smjernica za liječenje neplodnosti, Upravni odbor Zavoda zdravstvenog osiguranja Zeničko-dobojskog kantona, na 71. sjednici održanoj 08.04.2022. godine, donosi

**ODLUKU O IZMJENI ODLUKE O PRAVU NA BIOMEDICINSKI  
POTPOMOGNUTU OPLODNJU NA TERET SREDSTAVA ZAVODA ZDRAVSTVENOG  
OSIGURANJA ZENIČKO-DOBOJSKOG KANTONA**

**Član 1.**

U Odluci o pravu na biomedicinski potpomognutu oplodnju na teret sredstava Zavoda zdravstvenog osiguranja Zeničko-dobojskog kantona („Službene novine Zeničko-dobojskog kantona“ broj 15/21 i 6/22) član 6. mijenja se i glasi:

„Pravo na liječenje putem BMPO na teret sredstava obaveznog zdravstvenog osiguranja, u pravilu, ima žena do navršene 42. godine života, koja je u braku, odnosno vanbračnoj zajednici, i to u sljedećem obimu:

a) tri pokušaja intrauterine inseminacije, u skladu sa medicinskim indikacijama i smjernicama za liječenje:

- prvi pokušaj se finansira u iznosu od 100% cijene utvrđene u Tarifi zdravstvenih usluga,
- drugi i treći pokušaj se finansira u iznosu od 50% utvrđene cijene iz alineje 1. ove tačke.

b) pet pokušaja izvantjelesne oplodnje:

- prvi pokušaj se finansira u iznosu od 100% cijene utvrđene u Tarifi zdravstvenih usluga za kompletan postupak izvantjelesne oplodnje,
- svaki naredni pokušaj finansira se u iznosu od 50% cijene utvrđene u Tarifi zdravstvenih usluga za kompletan postupak izvantjelesne oplodnje,

c) do četiri embriotransfera iz kriopohrane iz prvog pokušaja, finansira se u iznosu od 100% cijene utvrđene u Tarifi zdravstvenih usluga, a svi ostali embriotransferi iz kriopohrane u iznosu od 50% cijene utvrđene u Tarifi zdravstvenih usluga;

d) pohranjivanje polnih ćelija, polnih tkiva i embrija finansira se za kalendarsku godinu po pacijentu i u iznosu od 100% cijene utvrđene u Tarifi zdravstvenih usluga, i to najviše pet godina;

e) pohranjivanje polnih ćelija, polnih tkiva i embrija u slučajevima kada postoji opasnost od neplodnosti (onkofertilitet i druga oboljenja) finansira se za kalendarsku godinu po pacijentu i u iznosu od 100% cijene utvrđene u Tarifi zdravstvenih usluga, i to do navršene 42 godine života (žena), odnosno do navršenih 50 godina života (muškarac) u skladu sa članom 51. Zakona.

Ukoliko nije došlo do trudnoće u postupku intrauterine inseminacije iz tačke a) stava 1) ovog člana, par konzumira pravo, a shodno medicinskim indikacijama, na postupak izvantjelesne oplodnje iz tačke b) stava 1. ovog člana.

Pokušaj izvantjelesne oplodnje iz tačke b) stav 1. ovog člana podrazumijeva kompletan postupak izvantjelesne oplodnje, a što se odnosi na: punkciju i aspiraciju, te embriotransfer prethodno nezamrznutog embrija ("fresh" embriotransfer).

Embriotransfer iz kriopohrane podrazumijeva odmrzavanje zamrznutog embrija dobivenog u pokušajima izvantjelesne oplodnje, te transfer embrija u maternicu."

## Član 2.

Ova Odluka stupa na snagu danom donošenja i objavit će se u "Službenim novinama Zeničko-dobojskog kantona".

### DOSTAVLJENO

- 1x Direktor Zavoda
- 2x Pomoćnik direktora
- 2x Služba za pravne i opće poslove (U.O.)
- 1x Služba za finansijske i računovodstvene poslove
- 1x Služba za sprovođenje zdravstvenog osiguranja  
i analitičko-planske poslove
- 1x a/a



**PREDSJEDNIK  
UPRAVNOG ODBORA**

Almir Redžić, dipl. pravnik